



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

IX. Maji.

[urn:nbn:de:hbz:466:1-50961](https://nbn-resolving.org/urn:nbn:de:hbz:466:1-50961)

S. Battus natione Anglus à S. Barnaba baptizatus, à S. Petro in Episcopum ordinatus, vixit cum Deipara. Cujus defunctæ cultum Helvetis prædicavit, ut, ubi abundavit delictum, superabundaret gratia, idolis Mercurii & Veneris imagines Christi & Mariæ substituit. *Petr. Canis. Corruptio pessimi optima.*

S. Batte, ô quot, quàm absurda in corde meo vivunt idola! quot pravos affectus, tot Deos colo, tu ora pro me, ut eradicatis vitiis omnibus, ad quæ me vel natura, vel Dæmon inclinavit, verum Dei, & Mariæ amorem substituam, utq; ibi meum fixum sit cor, ubi vera sunt gaudia. O Sanctissima Dei, & mea, Mater pretiosissima! ego N. indignissimus filius tuus ex toto corde, omnibusque tam corporis, quàm animæ viribus centies millies, &c. *f. 2.*

Ad quod impetrandum: Fædas imagines persequare, utinam hodie tali, vel saltem prophane Marianam liceat substituere.

O inæstimabilis Dei & Virginis dilectio charitatis, qui ut servum redimerent, communem Filium tradiderunt, propter nimiam charitatem, quâ Deus & Virgo nos miseros peccatores dilexerunt. *S. Bern. Senens. to. 4. serm. 9. c. 4.*

Quæstio: Quâ virtute B. V. conspecta puritatis amorem intuentibus communicaverit?
v. Barri an. Mar. c. 43.